

文獻叢編

第十六輯

支

款

數

目

一

二

三

四

中華民國二十二年九月初版
中華民國二十六年五月再版

文獻叢編第十六輯

編輯發行
印刷

國立北平故宮博物院文獻館
國立北平故宮博物院出版物發行所
電話東局四四三六號
和平門內後細瓦廠文雅社
電話南局一六四二號



價目表		郵費	
每月一冊	五	本市	每期一分
半年六冊	二元七角	外埠	每期一角
每年十二冊	五元二角	外國	每期二角五分

徐錫麟親筆供

有排品年廿四十二

幾年方等事

為我世人殺我

故殺死湖人恩德

後故殺死湖人恩德

眼目無畏

滅盡人方

滅盡人方

滅盡人方

秋瑾女士親筆告國人書

Chinese men

嗚呼我老弟其誰知今日之時勢者如西之時勢也夫其今日之
 時勢者革命戰爭也歐風美而國譯通一滿賊集
 網羅我我同胞脫離九之富強於聲義發自於其甚乃
 大義教而不道如樹倒而先無歸室底盡虛度米旦之倚
 法自知無所為然我同胞其能日昇生耶財敗則楚西各
 族所誰自盡納親義格而名焉人羣政之權民之與道路
 低微如我同胞平被苛待建立忠惠而專制乃宜其為千古
 售權而笑人盡遭剝削南南北北擁護徒擁護而奴之于天下
 財賦之窮盡一國之富也誠也者一國之權也一言制
 我異族之知帝已天下開國之強不家有一族偏勝之
 盤說四鄰通處皆為強其防家賊媚皇族之手而之
 我大時向以嗟天親父子平盡病一知祖宗之基業之艱難
 子孫立之之時所而深思於此也之政策即苦甚皆依祖國
 之開程懸望天下之大勢者不索之行革命用是張材
 講鼓發復總也天下新 裁旗指處是誠是誠之

事同情也

知

文獻叢編第十六輯目錄

徐錫麟親筆供

秋瑾親筆告國人書

浙江辦理秋瑾革全命案軍機處檔

乾隆朝天主教流傳中國史料

軍機處檔續

兼署四川總督印務成都將軍保寧奏拿獲西洋人訊明解京摺

直隸總督劉峨奏拿獲梅神甫案內郝保祿摺

山西巡撫農起奏將天主教案內餘犯審擬咨部摺

兩廣總督舒常廣東巡撫孫士毅奏嚴拿勾引西洋教人李剛義摺

四川總督李世傑奏續獲西洋人訊明解京摺

江西巡撫伊星阿奏拿獲私習天主教馬西滿等訊明解部摺

附供單

江西巡撫伊星阿奏拿獲姜保祿等訊明辦理緣由摺

附供單

兩廣總督舒常廣東巡撫孫士毅奏拏獲傳教之鄂斯定等解京歸案摺

附奏片及供單

兩廣總督舒常廣東巡撫孫士毅奏審擬學習天主教顧士倣等犯摺

山東巡撫明興奏審擬邪教人犯摺

宣統三年電報檔選錄

軍機處檔

朝鮮迎接都監都廳儀軌

內閣大庫檔
續（已完）

浙江辦理秋瑾革命全案

目次 此目係浙江辦理此案原定目次

一 恭錄電傳上諭

一 電奏稿

一 本部院致各府函電及告示稿

一 各府縣電稟印稟及所訊秋瑾等供詞

一 起獲秋瑾親筆各項字據 另有影印本（原註）

一 偽檄文偽軍制 另有影印本（原註）

一 關於此案江皖督撫電咨 來往電文（原註）

計鈔軍機處電傳奉旨張曾馭電奏悉著嚴拏首要解散脅從以銷隱患而靖地方欽此

電奏稿

軍機處王大臣鈞鑒午前據金華府稟辦匪情形內稱武義縣獲匪供係大通

學堂學生勾結起事當查紹興大通學堂係逆匪徐錫麟所辦電飭該府貴福查辦去後并據江督皖撫電錄匪供情節略同貴福星夜來杭面稟據郡紳密報大通體育會女教員黨匪秋瑾及呂鳳樵竺紹康等謀於六月初十邊起事竺本黨首羽翼萬餘人近往嵊縣糾約來郡等語當派常備兵兩隊赴紹會府查辦初五日接該府電稟初四日申刻搜查大通及嵊縣公局該匪等開槍拒捕兵隊擊斃數匪並獲秋瑾及餘匪六人起出後膛槍二十五枝子彈數百秋瑾供不吐實查有親筆悖逆字據獲匪程毅亦供係秋瑾爲首等語已電飭將秋瑾正法仍搜捕未獲各匪其嵊縣先由提督派兵前往仍飭嚴速捕拏金華先後格斃捕誅匪黨二十餘人匪徒已散現仍搜捕匿匪省城已密爲戒備仍外示鎮靜乞代奏

飭各府函電

函飭紹興府逕密啟者本月二十七日據金華嵩守電稱武義獲匪聶李唐等供出匪黨甚衆內有趙洪富縉雲人在紹興體育學堂司帳勾結大通學堂黨

羽希圖接應起事請電飭密查等語查現在各處黨匪蠢動該郡無論何項學堂但查有縉雲趙洪富其人立即密拏拘禁電稟候奪再前准南洋大臣電查拏匪黨許道亨即振鵬字雲翔係紹興府人應即一併查拏電稟日昨皖省有革命黨倡亂且係學界足下辦理此事當加意慎密至要

電飭紹興府

頃接江督電開大通學堂徐匪死黨必多既經派兵查辦當不致竄逸貽患沈匪及徐匪家屬祈迅飭掩捕務獲審辦等因兵隊暮後可到俟兵到即行拿匪查堂搜起證據並飭縣將徐匪家屬看管諭以但不知情當設法保全隨時電稟

電飭紹興府

聞該堂主持者竺姓及王金發校長秋氏婦均應查拿復

電飭紹興府

秋瑾即行正法速嚴訊程毅等各頭目姓名踪迹嶮匪最多應嚴飭秦令及提

標兵趕緊設法搜捕聞竺匪已於日前由嵎糾約匪衆到紹應購線密拏並會商徐管帶酌留數排駐城餘仍以捕賊爲主獲匪均何姓名起獲後膛鎗究有若干復

電飭金華府

電悉倪經卽正法據武義紳商學界電稱武義匪首周金海等多人附和革命颯忽嘯聚勢必復舉等語應卽會商沈統領先事查拏

本部院印發告示

全銜爲曉諭事照得此次紹興女匪秋瑾勾結匪黨圖謀起事并欲先搶郡城紳富擾亂治安經本部院查知派兵將秋瑾拏獲并起出悖逆證據及槍彈馬匹多件業將秋瑾正法奸謀已破匪黨散走除仍嚴拏各首要外其誤信邪說並不知逆謀實情者無論何項人等概不拏究其誤被脅誘知情而未舉發者但能繳出槍彈及證據等物亦准免罪再能指出首要及其軍火所在拏獲起出仍行給賞須知本部院但欲拏辦首要保衛地方絕不牽引株連稍涉操切

至派出兵隊原以戢暴安良斷不容妄拏無辜騷擾詐索爲此示諭諸色人等知悉爾等其各照常安業不必驚惶毋得輕信謠言自相擾亂轉致匪徒因而生心乘機滋事生命財產不能自保紳學兩界曉事者多並卽代爲曉諭安業毋違特示

各府縣電稟

金華府來電 武義獲匪聶李唐供出黨匪甚衆內有趙洪富縉雲人在紹城體育學堂司帳勾結大通學堂黨羽希圖接應起事請電飭密拿

紹興府來電 前據紳等面稱大通體育會女教員革命黨秋瑾及呂鳳樵竺

紹康等謀於六月初十邊起事竺號酌仙本嵎縣平陽黨首領黨羽萬餘人近

已往嵎糾約來郡請預防等語卑府星夜請兵蒙派隊來郡今日申刻往大通

及嵎縣公局起軍火該匪等開鎗拒捕兵隊還擊斃兩匪

續據稟明格傷數人傷後只斃一匪當時

電碼誤將擊傷譯作擊斃

並獲秋瑾及餘匪六人起出後膛槍二十五桿子彈數百奪獲秋瑾

六門手鎗一根探得該匪等因徐匪刺皖撫後謀俟竺匪糾黨到開會追悼卽

行起事知其事者驚惶萬狀現訊秋瑾供不吐實查看該匪親筆講義斥本朝爲異族證據已確且據餘黨程毅等亦供秋瑾爲首應請將秋瑾先行正法

紹興府來電

遵電諭已將秋瑾正法獲到程毅錢仁王植槐蔣繼雲徐頌揚

吳植松六人似係附從尙在研訊王金發糾到三十人聞已逃竄竺糾大股幸尙未到否則糜爛已懸賞購竺王二匪各千元一面委員赴嵊會同秦令嚴拏起出之鎗名九響毛瑟聞匪軍火甚多藏處探不確近由紹紳嚴密調查徐匪家屬已提訊實不知情容另稟

紹興府來電

越陽電敬悉程毅等尙無確供竺王未獲軍火未起紹城必有

糜爛之日匪等假託革命實抱搶劫主義彼注意在郡城富室大鋪必不在嵊縣起事行踪未探實兵去嵊無益

紹興府來電

頃卑府親往大通在廁所搜出九響毛瑟十六桿舊毛瑟五枝

十三響一枝屢飭兩縣往搜疎忽至此

節錄紹興府夾單稟

查當時卑府會徐管帶前詣該堂搜查詎堂內開鎗拒捕隊勇不得已開鎗還擊以致格傷兩匪傷頗沈重不能取供一名當晚身死查無屍屬出認由山邑李令驗明棺殮其一詢名石寶煦卽經飭保加緊醫治在案茲查核前次電稟底稿誤將擊傷兩匪譯作擊斃兩匪實由譯發時填錯號碼所致仰祈察核更正

節錄金華府印稟

是股匪徒頭目多係文武生員如已獲正法劉耀勳係武邑貢生在逃之周金海係縉邑廩生趙洪富沈榮古係學界中人其黨羽穿學堂體操黑衣綴有漢號並經武邑起有革命告條勾結大通學堂學生誠與尋常土匪不同前日獲犯王汝槐等供出金邑爲首匪犯係舉人張恭武生倪經已請分別咨革嚴拏

節錄紹興府督同山陰會稽二縣印稟

查許道亨籍隸嵊縣卽經密飭嵊縣秦令並委候補知縣汪令晉星馳赴嵊會縣嚴密搜捕一面督同卑職鍾嶽等嚴密訪查得悉卑山邑所轄之城內大通

學堂附設體育會有女教員革命黨秋瑾與竺紹康王金發呂鳳樵等謀爲不軌有六月初十邊起事之說竺紹康卽酌仙仙係嵊縣平陽黨首領黨羽萬餘人近已往嵊糾約來郡等情卑府查確後因郡城兵力薄弱未敢輕率往拏致有疎失當經飭令卑職等妥爲布置嚴密防守一面卽自不動聲色星夜晉省稟奉憲台撥兵下郡搜拏當蒙許以刻夜派隊前來卑府當卽回郡卽於初四日奉憲台派撥常備軍步隊第一標第一營徐管帶率隊抵紹擇要分紮卽於是日午後由卑府會同徐管帶督率卑職鍾岳等帶隊前詣大通學堂及嵊縣公局搜查軍火拘拏匪類詎堂內不知何人開槍拒捕兵勇不得不開鎗還擊當場格傷二名拏獲女匪秋瑾一名奪獲六響手槍一桿又在身邊搜出日記手摺一個并檢獲悖逆字據暨獲程毅等六名又在堂內先後搜出後膛九響毛瑟槍四十一桿十三響後膛槍一桿單響毛瑟槍五桿子彈六千二百餘顆前膛槍一桿馬五匹驢一匹併於秋瑾皮包內搜出悖逆字據多紙陸續由徐管帶暨卑職鍾嶽解送到府卽經卑府會同徐管帶督率卑職鍾嶽等立提秋瑾

切實研訊反覆開導卽據秋瑾供稱係山陰縣人伊夫王廷鈞伊於光緒二十九年與丈夫離別出洋往日本國遊歷與徐錫麟趙洪富會遇熟識後伊回華在上海開設女報館上年十二月間始回紹興由蔡姓邀伊入大通學堂充當附設體育會教員與竺紹康王金發均屬要好時常到堂程毅到堂已有月餘也係熟識初四日聞有營兵前來拏捕當卽攜取手槍皮包就想逃走不料堂內開槍兵勇等亦開鎗並將伊連槍拏獲又論說稿數紙日記手摺一個此稿是伊所做手摺亦是伊物伊已認了稿底革命黨的事不必多問了至趙洪富竺紹康王金發等現逃何處不知道皮包當時在堂掾棄等語詰以匪黨共有幾人堅不吐供隨提程毅等質訊據供該女匪秋瑾爲浙省匪黨首領當將秋瑾飭發卑山邑收禁程毅等分別看管查閱起獲論說稿語多悖逆其居心叵測謀爲不規已屬証據確鑿自應從嚴懲辦以寒匪胆且日來正謠言四起民心惶惶若不迅速辦理恐有他變隨將秋瑾可否先行懲辦之處電稟請示卽奉憲台復電飭將秋瑾先行正法等因奉經轉飭照辦惟尙有黨羽竺紹康王

金發在逃當由卑府等每名懸立重賞千元嚴飭兜拏期在必獲一面出示剴切曉諭解散脅從安撫居民嚴禁造謠煽惑並由卑府督同卑職等諭飭兩邑城鄉紳董趕速集辦團防各自戒備嗣奉憲台札委陳道酌帶兵勇來紹查辦現已謠言靜息民心安定曾將辦理情形由卑府逐日電稟憲台暨藩臬司鑒核在案至程毅蔣繼雲等卽經督飭縣委連日隔別研訊已有端倪除再提犯切實研訊務得確情錄供稟辦一面仍飭勒拏逸匪竺紹康等務獲究明馳報暨將徐錫麟餘黨並嚴拏幪匪各案尅日分別稟陳外理合將查辦大通學堂附設體育會女匪秋瑾緣由並將搜出秋瑾親筆字據粘連蓋印計縫隨稟附呈察核批示祇遵又附呈字據應請憲台核明後與先呈字據一併飭發下府俾便歸卷備查合併聲明計呈供摺一扣大通學堂秋瑾皮包內搜出字據一本共計二十六縫又秋瑾筆記手摺一個連面底共計八十六頁騎縫蓋章

節錄管帶練軍中營劉慶林署幪縣知縣秦家穆印稟

查得王金發竺紹康許道亨卽振鵬均係革命黨匪前年曾在紹郡大通學堂